

陽統轄宦蹟

吳

吳幽州人肅宗至德初爲山南東道節度使

南陽安祿山反潼關失守賊使哥舒翰招吳使

不從使武令珣攻之令珣死田承嗣繼往潁川來

鎮襄陽魏仲犀合兵援吳仲犀弟孟訓兵至明府

橋望賊走吳城中食盡餓者相枕藉朝廷遣使者

曹日昇宣慰加吳待進太僕卿不得入日昇請單

騎致命仲犀不可會顏真卿自河北至謂曰使者

不顧死致天子命設爲賊獲是亡一使者脫能入

城則萬心固矣遂入致命人心益固昺被圍凡一
年晝夜戰八至相食卒無救至至德二年五月乃
率衆突圍走襄陽承嗣尾擊昺殊死戰二日獲
甚衆賊引去俄拜御史大夫襄鄧十州節度使
二京平賊走河北時襄漢數百里鄉聚蕩朕初賊
欲剽掠江湖賴昺適扼其衝故南夏以完

李愬憲宗元和時以檢校左散騎常侍出兼鄧州
刺史御史大夫充隨唐鄧節度使兵士摧敗之餘
氣勢傷沮愬揣知其情乃不肅軍陣不齊步伍或

以爲言愬曰賊方安袁尙書之寬易吾不欲遽
改備耳推誠待士得李祐爲客嘗使與李愬
語軍中機密或諫憲祐不可近愬待之益厚
月巳亥夜祐以突將三千爲前鋒李忠義
之愬率中軍三千會大雪偃旗息鼓而出遂破蔡
州擒吳元濟

九代李從璋後唐宗室晉高祖立徙鎮威勝軍在南陽
有遺愛

劉重進後漢初以忠武軍節度移鎮鄧州漢法禁牛

革甚嚴州民崔彥陳寶選等八人自本鎮持革
漢祖廟輓鼓重進杖遣之判官史在德謂重進
善用法宜置極典及大理刑部詳覆重進所
是

宋張永德并州人太祖卽位授武勝軍節度使會出
討金陵永德以已資造戰船數十艘運糧萬順

順陽沿漢水而下富民高進者豪橫莫能禁永德
乃發其姦寘於法進潛詣闕誣永德緣險固置
餘砦圖爲不軌太祖命稷密都承旨曹翰

察之詰其若所進曰張侍中誅我宗黨殆盡希中
以法報私憤爾翰以進授永德永德遽解縛就市
笞而釋之時稱其長者

趙 普幽州薊人宋太平興國末以宰相出爲武勝
軍節度檢校太尉兼侍中太宗賦詩以贈其行雍
熙三年春大軍出討幽薊久未班師普手疏諫罷
兵四年移山南東道節度使人皆德之

李 至真定人咸平初爲武勝軍節度使節制鄧州
其節槩英烈學術文章當世重之

元楊惟中宏州人憲宗初爲河南道經畧使屯守唐鄧等州時萬戶劉福爲總管貪殘害民惟中乃召福至握大槌擊朴之數日福死民咸稱快

史天澤真定人憲宗初爲河南等路經畧使至鄧招集流亾創築外城招民爲屋市興利除害政無不舉境內大治

明劉漳蘭州人嘉靖十一年分守南汝道叅政修復

召杜陂堰建立書院課獎士類表正風俗勸課農桑州縣多有遺愛

徐元氣字汝和宣城人萬歷八年分守南汝道先是南陽軍民也糧多弊元氣嚴爲清丈作確冊釐革弊實部民欽服尤精形家言曲盡蘊奧按部鄧州見儒學湫隘乃相地望氣指授收遷文風果盛

陳奇瑜保德州人天啓時以監察御史遷分守南汝道正直不撓敏練有爲歷官兵部尙書經畧五省國朝樓希吳滿洲人順治九年分守南汝道以息盜安民爲務時李好餘孽吳加寬于七潛匿拐河勾引响馬嘯聚日衆白晝行劫有滋蔓難圖之勢希吳

下車偵其巢穴躬擐甲胄率標下兵糾同葉歸
縣許鴻翔民兵入山進勦巨魁授首解散脇從
以拐河山谿險阻達店神林素爲奸藪疏奏奉
禁絕民居數十年盜賊不生陞山西左叅政

桑 芸字笈雲山西榆次人順治十二年由進士
守南汝道鋤豪強安良善南陽蠹吏白福德者
緣各上司衙門號爲通家挾制官吏肆害平民
洞知其奸乃以他事召至窮詰其罪狀立戮
民間歡聲載道遷本省布政使

南陽府宦蹟

漢召信臣字翁卿九江壽春人爲南陽太守勤力有爲
畧好爲民興利躬耕勸農出入阡陌止舍鄉亭
有安居時行視郡中水泉開通溝瀆起水門提閘
凡數十處以廣溉灌歲歲增加多至三萬頃民得
其利蓄積有餘爲民作均水約束刻石立於田
以防分爭禁止嫁娶送終奢靡務出於儉約尉
吏家子弟好游敖不以田作爲事輒斥罷之甚
案其不恣以視好惡其化大行郡中莫不耕稼

田百姓歸之戶口增倍盜賊獄訟衰止吏民親之
號曰召父

鄭宏字穉卿泰山剛人明經通法律政事爲南陽
太守著治績條教法度爲世所述遷淮陽相以高
第入爲右扶風

翟義字文仲丞相翟方進之少子年二十爲南陽
都尉宛令劉立與曲陽侯爲婚又素著名州郡義
義年少義行太守事行縣至宛丞相史在傳舍立
持酒肴謁之飲未訖吏白都尉方至立語身甚

須臾義至內謁徑入立乃走下義既還陽以它
召立至以主守盜十金賊殺不辜部掾夏恢等
縛傳送鄧獄由是威震南陽

漢鮑

德兖州牧鮑末之孫也爲南陽太守時歲多荒

災惟南陽豐穰吏人愛悅號爲神父郡學久廢德
乃修其黌舍備俎豆黻冕行禮奏樂又尊養國老
宴會諸儒百姓觀者莫不歡服在職九年徵拜大
司農

杜 詩字君公河內汲人爲南陽太守性節儉政治

清平以誅暴立威善於計畧省愛民役造作寒
鑄爲農器用力少見功多百姓便之又修治陂池
廣拓土田郡內比室殷足時人方於召信臣故南
陽爲之語曰前有召父後有杜母

藥 崧南陽太守天性忠朴以廉約化民

桓 虞建初時爲司徒出爲南陽太守召朱暉于暉

爲吏暉辭駢而薦友人陳揖子友虞重其義遂從

之

後 舞陽人 和帝時以尚書令遷南陽太守在

摘發奸吝政號嚴平數歲黷爲太僕見人物

郭一陞陽翟人爲南陽太守明恣律政有名績

虞 延字子太陳留人爲南陽太守永平初有新野

功曹鄧衍以外戚小侯每豫朝會而容姿趨步有

出於衆顯宗目之顧左右曰朕之儀貌豈若此人

特賜車馬衣服延以衍雖有容儀而無實行未嘗

加禮帝旣異之乃詔衍令自稱南陽功曹詣闕旣

到拜郎中遷元武司馬衍在職不服父喪帝聞乃

歎曰知人則哲惟帝難之信哉斯言衍慙而退由

陽府志 卷之四
是以延爲明三年徵代趙熹爲太尉

第五訪京兆人先爲張掖太守有美政遷南陽太守

王暢字茂叔高平人爲南陽太守前後二千石逼

懼帝鄉貴戚多不稱職暢深疾之下車奮勵威猛

其豪黨有鬻穢者莫不糾發會赦事得散暢追恨

之更爲設法諸受贓二千萬以上不自首實者盡

入財物若其隱伏使吏發屋伐樹埋井夷竈功曹

張敞諫曰舜舉臯陶不仁者遠化人在德不在刑

暢深納其言更崇寬政教化大行

威爲南陽太守操持撻屬郡中長吏皆令閉門
自檢不得踰淞下吏畏之豪強慙服

劉寬字文饒宏農華陰人延熹八年爲南陽太守
溫仁多恕吏人有過但用蒲鞭罰之示辱而已終
不加苦事有公善推之自下災異或見引躬克責
每行縣止息亭傳輒引學官祭酒及處士諸生執
經對講見父老慰以農里之言少年勉以孝悌之
訓人感德興行日有所化嘉平五年遷太尉

成瑨宏農人延熹中爲南陽太守政尙威嚴褒善

糾遘肅清朝府宛有富賈張汎者桓帝美人之外親善雕鏤玩好之物頗以賂遺中官以此得顯位恃其伎巧用執縱橫瓘收捕誅之豪右震服

球桓帝時爲南陽太守秉性介直素與司徒橋元有隙元知之薦球爲廷尉時太后竇氏崩曹節等欲別葬之球曰皇太后以盛德母臨天下遭時不造援立聖明因遇大獄遷居空宮家雖獲罪事非太后今若別葬誠失天下之望太尉李咸曰臣誠與意合於是公卿皆從球議以爲宐合葬宣陵

帝從之

第五頡爲郡功曹辟舉高第爲侍御史歷南陽太守
洛陽無主人鄉里無田宅司隸校尉左雄太僕八
張衡尚書朱建孟興皆與頡故舊各致禮餽終遂
受

楊彪華陰人光和中爲南陽太守以仁愛爲政盡
去百姓思之

趙戒南陽太守糾豪強恤吏民奏免中官子爲第
令長貪濁者

羊

續字與祖太山平陽人中平間爲蒲陽太守嘗

入郡界羸服間行攜童子一人觀歷縣治深問風

謹及下車其令長貪潔吏民良猾悉逆知其狀郡

內莫不震懾乃班宣政令百姓歡服時權豪之家

多尙奢麗續浚疾之常敝衣薄食車馬羸敗府丞

嘗獻生魚續受而懸於庭丞後又進續乃出前所

懸者以杜其意續妻後與子祕俱往郡舍續閉門

不內妻自將祕檢其資藏惟有布衾敝襦鹽麥數

斛而已顧勅祕曰吾自奉若此何以資爾母乎

與母俱歸

楊

俊字季才長厚有風鑑爲南陽太守宣德教立

學校吏民歌之漢末遇司馬宣王嘆曰此非當入

也俊自少及長以人倫自任同郡審固陳留

本皆出自兵伍俊資拔獎致咸作佳士其明

諛多此類也

張咨字子議潁川人漢末爲南陽太守孫堅至

陽咨不給軍糧又不肯見堅欲進兵恐爲後害

詐稱疾遣人說咨言病困欲以兵付咨將步

南陽府志 卷之四
六百人入其營堅遂執斬之

田 豫漁陽雍奴人漢末爲南陽太守先時豫人
音反衆數千人在山中爲盜大爲郡患前太守
其黨與五百餘人表奏當死豫見諸繫囚悉慰
開其自新之路一時破械遣之諸囚皆願自效
相告語羣賊一朝解散郡內清靜

晉杜

預京兆杜陵人咸寧中都督荊州諸軍事

南陽修召信臣遺蹟用渚消諸水浸原田萬餘頃
分疆刊石使有定分公私同利衆庶賴之

父後人同召信臣建祠爲五太守廟

南北朝孔稚圭字德璋會稽人以冠軍將軍爲南陽太守

宋時魏軍連歲南侵征役不息百姓困斃因上表請
以議和山嶺守南門與並引爲宗博其地

權景宣爲南陽太守寇盜斂迹民得肄業百姓稱之
立碑頌德

趙怡南陽人元魏太和中歷郢州刺史轉豫州刺

史尋爲中書舍人出除南陽太守

呂子臧河東人隋大業末爲南陽郡丞捕擊盜賊有

功唐高祖人京師遣馬元規慰輯山南獨子臧堅
守元規遣士諷曉子臧殺之及煬帝已弑唐祖更
使其婿薛君情齋詔言隋所以亡諭子臧子臧爲
舊君發喪訖始送款焉

唐李抱玉本安興貴曾孫天寶末元宗以其戰功爲賜
今名祿山亂守南陽耻與逆臣爲宗斬其使

宋趙汝諲孝宗淳熙六年爲南陽太守

金光庭羅源人累官光祿寺丞出知南陽郡建炎初
金人陷南陽不屈而死

元梁

曾燕人至元中除知南陽府時唐鄧二屬州襄陽府所奪曾按圖經稽國制以聞得復舊南陽在宋末爲邊鄙桑柘未成而歲賦絲民甚苦之曾請折輸布民便之

莊文昭至正間爲南陽府尹勸耕勤民通水利置

倉建燕居堂以教郡子弟民旣殷富教化大行

席巨川至正間同知南陽府事時王師討叛寇委巨川饋餉軍食足而民不勞時主帥欲盡戮降者巨川泣言不可殺降乃止賴全活者千餘人民爲

碑頌德

崔 括至正中判府事興學校通水利振薄俗除民
瘼凡事有益于民者慨然以身任之

明雍

泰字世隆咸寧人洪武時由進士知南陽府事
有民功尸祝其鄉爲明初事業名臣歷官山西憲
副南京戶部尚書

程本初洪武初同知南陽府事以文學經濟見稱於
世時當金元亂後創建公署學校繕築城宇相繼
經營人服其能

王昇洪武間知南陽府事爲政廉明仁恕無以憂

去民懷思不忍捨僉事傅啓特爲疏請奪情視事

時夏旱昇引咎自責齋沐步禱南郊甘雨如澍

歌詠之樂民樂其事輒盡愛樂之益人專自更

凌雲洪武間南陽府司理簡孚獻决庭無留積有

積年監繫滯獄前官不能决者雲一特剖折悉登

其情人自不冤

陳悌建安人永樂時由進士以監察御史知南陽

府事

杜應預棗強人爲南陽府通判勤政愛民能繼武康
之績擢貴陽太守旣去郡人爲之立碑
陳正倫吉水人宣德中知南陽府事時歲旱正倫建
行州縣修復召杜陂堰已而得雨穀大熟益令民
凡陂堰當修者盡行修治身爲勤勞民享其利爲
政慈祥樂易治民事神盡愛敬之道凡事有便於
民者必興之害於民者必除之奏議屢上多見聽
行郡人至今不忘

堅字可久蘭州人成化初知南陽府事凡吏有

不訟者卽案問民或賢或奸相宜訓治勸懲
院刊小學及刊註古文孝經軍民俊秀來學者凡
五百人民翕然向禮女縊而殉夫者二人堅自死
祭南陽至今成美俗焉

陳鑑山東臨清人成化時知南陽府事重修郡治
不擾民力

任義成化時同知南陽府事其時析南陽北壤置
南召縣析唐縣三分之一于舊桐柏置桐柏縣而
縣創修城池公署學校諸建置悉經營盡善

孫 哲號吉泉石州人嘉靖時知南陽府事時久旱
民間疫癘比屋死亡哲下車首詢民瘼處置有方
至冬歲大祲廼預聞撫按轉請得內帑廩粟分賑
屬縣又闢官舍爲糜粥以濟流移全活數萬人詔
褒美之明年春麥將熟弗雨哲引過自責遍走溝
祀誓欲自焚三日大雨遂爲有年郡邑諸生叙畫
雨感應頌郡有疑獄誣服桎梏瀕死者十餘年
察其寃力爲申雪得釋放及末減者二十餘人
存心忠厚遇事明決興學育民表節義發奸伏善

既不既去郡人刻石誌不忘復請同前太守

公列五太守祠

張綸任邱人嘉靖間由進士知南陽府事企慕

微一以平易爲治

范愛衆順天人隆慶初由進士爲南陽府通判勤

有爲以前知府段堅孫哲皆有功于民因修廣

太守祠改爲五太守祠祀之

雋維蓋曲周人萬歷間由進士知南陽府事城南

河夏秋瀑漲漂析民居勢且薄城維蓋同丞萬通

冷成遷相地勢爲堤數里下邗堅木上鎮巨石蛇
更盤固水乃安流

史東昌大同人萬歷時出進士知南陽府事吏治簡
易以文學爲經濟士民戴之

孫真聖直隸歙人萬歷間由戶部郎出知南陽府事
甫下車卽問民俗所便宜者立舉之其所患苦者
輒爲罷廢尤飭廉隅嘗行春知縣具彩花視其柄
乃銀也事畢卽發還貯邑帑先是蒞任之始率錢
屬矢於神不牟民錙銖一切用度米鹽布縷悉

俸錢所易一日夜分巡城出西關聞人家共語
之乃兩婦人績綿姑語婦曰前釀酒熟否婦應
曰酒好似洪太爺徹底清雖女子婦人知其純白
如此視事歲餘年稍稔郡事漸治乃躬社學擇
訓蒙士間就下里講鄉約諭民無作惡俗駸駸
變及朝覲考爲天下清官第一擢關中督學宛人
士刻石立祠於夏昫鋪

周夢尹上虞人萬歷末由進士任南陽府推官廉
平允陞兵部主事

顯日愉上虞人崇禎中由舉人知南陽府事時流賊猖獗荆襄失守汝洛震驚南陽勢處中區日愉蒞任修築城塹練鄉勇儲芻糧造製三眼鎗萬人敵爲守禦計崇禎十四年五月初六日張獻忠已破泌陽南陽騷動日愉登埤巡警日夜不休至初七日夜賊暗至先驅精壯百餘人乘雨扒城日愉同時揮王汝璋率守城軍士分堵守望立殺數賊賊不得上城下亂矢上射日愉中傷而卒詔贈太業

帝廟諭祭

國朝

王燕翼直隸河間人順治二年知南陽府事時天下
方定拐河土賊李好南召周家禮尚未革面燕翼
下車招撫諭以投誠地方始靖迺集流亡繕室廬
俾各歸其業居官貞白有水蘗聲其始單騎赴任
以蒼頭一人自隨麤衣菲食自奉若齊民十三城
屬吏稍涉貪污者舉訐斥之內鄉知縣冬月餽一
粗羊裘視之曰此雖費不賒必民膏也吾寧凍死
何服此爲答其使以杜其意其清苦類如此視事
數年陞山東兗州道

辛炳翰渭南人順治四年由選貢知南陽府事清勤
愛民重建南城門樓至今民感仰之

任克溥山東平山衛人順治七年由進士除南陽府
司李蒞任擿奸伏革積弊官吏肅然奉泐明末南
陽錢糧官收吏解以致賠累庫吏里長僉報一人
者一家哭矣又牛馬頭類皆派里下充應民間疾
苦日甚克溥以牛棧馬棧爲累亟力申請得一併
蠲除錢糧吏收官解牛馬棧供億盡出於官永著
爲令公私交便民命以避擢刑科給事

張文明字深發順天人康熙六年以翰林院出知南陽府尊經術飭行檢行所無事吏民奉法懷德視事十年陞福建提督學政

南陽衛

明郭雲隨州人洪武初南陽衛指揮有膂力才畧過人先受元平章糾率義旅屯保裕州之泉白山明朝既取中原累論不下兵敗被擒明祖嘉其忠義授溧水知縣陞宣武將軍南陽衛指揮僉事築城建衛撫綏軍民其功甚偉

國朝張六韜直隸內邱人由武進士順治四年爲南陽
衛守備時修築城池招集流散多出其功陞天津
衛遊擊

南陽縣宦蹟

屈文

種字子禽荆平王時爲宛令遣吏謁奉三戶范

蠡吏還曰范蠡本國狂人生有此病種笑曰吾聞
士有賢俊之姿必有佯狂之譏內懷獨見之明外
有不知之毀此固非二三子之所知也駕車而往
蠡避之後知種之必來謁謂兄嫂曰今日有客願

假不冠自與種至抵掌而談旁人觀者

界神

拂字穎伯河南洛陽人大司徒種暠仲子拜靈
令政有能名時南陽郡吏好因休沐游戲市里爲
百姓所患拂出逢之必下車公謁以愧其心自是
莫敢出者累遷光祿大夫

吳

樹下邳人爲宛令之官辭梁冀冀賓客布在縣
界以情托樹曰小人奸蠹比屋可誅將軍以椒房
之親處上將之位宜崇賢善以補朝闕宛大都士
之淵藪自侍坐以來未聞稱一長者而多托匪人

誠非敢聞巽然樹到縣遂誅巽賓客爲人害者
數十人境內肅然後拜荊州刺史

黃昌字聖真會稽餘姚人拜宛令政尙嚴猛好發
奸伏人有盜其車蓋者昌初無所言後乃密遣客
至門下賊曹家掩取得之悉收其家一時大姓戰
懼皆稱神明朝廷舉能遷蜀郡太守

杜安潁川人拜宛令先是宛有報仇者其令不忍
致理亡匿縣中豪強乃有告其處者捕得安深其
惡之到官戮之於市惧有繩彈以病去章帝行

穎川安上書名拜御史遷巴郡太守

杜

襲定陵人漢末爲西鄂長時縣濱南境寇賊

橫長吏皆糾民保城郭不得農業襲留丁壯備守
遣老弱分散就田民不廢農

隋皇甫無逸字仁儉安定烏氏人徙居萬年隋大業中
以父誕死節拜清陽守甚有能名差品爲天下第
一轉右武衛將軍

唐魏可則鄭公四世孫文宗太和元年授南陽縣尉二

年移櫟陽縣尉

李 伉元紘之曾孫太和元年授向城尉

丁柔立宣宗大中二年由右補闕出爲南陽尉以書直名于世

宋 燕若冲元豐中知南陽縣政治清平修陂堰闢田土

比屋殷富歲資豐稔

李國瑞宣宗興定五年知南陽縣創開水田四百餘頃詔陞職二等仍錄其最狀遍諭諸道

元 野字文蔚其先保定人徙滿城至元二十八年

出汝州判官遷南陽縣尹初至官獄訟克庭

決無留滯。涉旬遂無事。遷懷孟河渠副使。

喜同，周姓，河西人，以承徽寺經歷調南陽縣。達魯花赤居一歲，妖賊起，陷鄧州，俄抵南陽。南陽城郭不完，無兵賊入之。若虛邑喜同以計獲數賊，悉斬之。以安衆心。晝夜督丁壯巡邏。時大司農錢木爾以兵駐于諸葛菴，爲賊所襲，死之。賊遂乘銳取南陽。喜同守西門，望見賊勢盛，卽以死自許。與家人訣曰：「吾與汝等不能相顧矣，但各逃生。吾分死此，以報國也。」已而城中皆哭。喜同策厲義兵奮力與賊

搏賊退去明日復至與戰甚力殺賊凡數百人賊
知無後援戰愈急南陽遂陷喜同突圍被創不能
鬪爲賊所殺妻邢氏聞喜同力戰死帥家僮數人
出走遇賊奪賊刀斫之且罵且前亦見殺一家死
者二十餘人贈南陽路判官

敬祖南陽縣教諭訓士有方

明劉遵洪武二年知南陽縣營建縣治

劉英洪武九年知南陽縣創建儒學

車敬洪武中知南陽縣清慎方介政令一新

勸農平徭役均賦稅芟鋤兇惡罔匿空虛民到於
今稱之

唐吉祥洪武中由進士歷祁縣葉縣調知南陽縣皆
有政聲時徵需百出驛傳旁午吉祥處之裕如雖
急遽中未嘗有厲色

周 編洪武未知南陽縣門無私謁視民如子興利
除害時有勢豪害民編爲之禁止勢豪斂跡民懷
其德

李桓圭宣德五年知南陽縣修復學宮作養人才

成 遜字惟謙長垣人萬歷初知南陽縣興復召父
水陂百廢具舉時消河北岸崩潰每暴漲卽漂沒
民居勢且薄城遜爲築長堤數里百餘年無水患
萬歷四年增建學宮又創修張鐵二忠祠

楊惟治字同野山西人萬歷中知南陽縣愛民如子
萬歷二十一年南陽大饑民間比屋疫癘惟治力
請蠲賑又爲設藥局療治全活數萬餘人時唐藩
虐民惟治引法彈劾持正不阿一時百姓晏然尋
以內召去百姓立祠祀之後數年叅政汝南士民

德澤相迎於道

陳大道萬歷時知南陽縣時歲屢旱民饑庚寅三月不雨播種維艱大道做漢董氏春秋繁露所載於泰山廟東隅設壇祈禱如期獲雨田野霑足

李完四川人崇貞初知南陽縣操行清潔處事明決胥吏不敢欺以內擢去民刻石記其德政

何騰蛟字雲從湖廣人崇貞六年知南陽縣有善政會流賊猖獗土寇乘閒竊發擄掠鄉曲蛟多方捕輯手戮賊首李燦餘皆解散境內晏然擢兵部事

事

姚運熙山東人知南陽縣崇貞十五年十一月流賊李自成攻南陽城將陷總兵猛如虎不能支運熙召衆死守城陷不屈被殺

國朝李廷松遼東人順治九年知南陽縣庶事咸理其時學宮傾圮重建大成殿以才能擢監察御史

劉文成孟津人康熙四年由舉人任南陽縣教諭增建學宮啓聖祠兩廡明倫堂戟門櫺星門數十楹叅政楊志遠有記

頂亮臣字畏菴徽州人康熙二十五年知南陽縣廉
介敦樸勤於政務自奉極菲薄諸上司嘉之曰清
官在任四年百姓愛戴

守禦

明錢勳吾南陽衛世襲百戶崇貞十四年十一月流賊
李自成驅賊衆薄南陽城勳率守禦兵出戰於北
門外斬賊數十餘級唐王親勞賞之賊攻圍益急
再出戰兵折損乃與總兵猛如虎力拒守之至初
四日城陷勳吾自刎死

南召縣宦蹟

明張珙北直人成化十年知南召縣是時始析南陽
三分之一於古雒城爲南召珙於成化十二年始
築城建置得宜

李璽隆慶時知南召縣下車視城池卑隘乃於邑
專就理之日集耆老議修築增濬之謀爰以磚石
增建北城樓於是百堵峻嶒巍然改觀吏部員外
方九功有記

一炳字公亮龍岡人至元初爲鎮平尹更新舊志
崇讓禮教勸農桑闢荒蕪民以殷阜俗知向

一

源字完先天台人至元間爲鎮平尹官方

一介不取崇儒術興學校俗臻禮讓

一

昱字明甫泰定初爲鎮平尉時縣令久缺

縣事以才能稱

劉益謙字恭甫太和人元統二年爲鎮平尹修舉六

事庶民感慕翰林學士魯翀爲撰遺愛碑記

明胡文達湖廣通城人洪武間知鎮平縣單車赴任居
官廉靜勸農興學至今民猶稱之

武斌山東濟陽人永樂間知鎮平縣勤于撫字洞
晰民隱講課文藝人材聿興越二年府檄臨清董
役夫甲有貧病者斌親視賑卹人益感其恩信終
歲無逋者後膺求賢舉陞刑部員外郎

徐獻可浙江開化人永樂間知鎮平縣事上臨下不
激不隨民受其福

周志義湖廣石首人永樂間由進士知鎮平縣果毅

公平民咸安之先是縣多盜志義設法掩捕導以禮義廉耻不期月而盜賊屏息

王 煥山東人永樂間爲鎮平主簿存心寬恕辦事明決嘗督民運材木撫綏諭民不知勞間有疾者躬爲市藥調護撫若已子百姓戴焉

徐 統四川廣安州人正統初知鎮平縣德性寬厚孜孜愛民雖鞭朴不事而事集民治卒于官邑人咸悲思之

曹 宣直隸大名入正統間知鎮平縣平易近民興

廢革弊尋以疾歸

李 賢陝西郃陽人成化間知鎮平縣以德化民

平訟簡

劉 勲太和人成化間由進士知鎮平縣撫綏育
勸課時勤葺學宮拓城垣邑民永賴

劉 文容城人宏治間知鎮平縣秉性正直居
善政於學校尤加意焉

陳 謙湖廣攸縣人嘉靖間知鎮平縣性介

笑與賢育才惟持爲政大體

阮 嵩保定人嘉靖間以戶部員外郎出知鎮平縣
一二載百廢具興陞均州知州

翁金堂浙江錢塘人萬歷初知鎮平縣以興學造士
爲首務毀淫祠建書院社學集俊秀子弟讀書其
中給以薪米躬爲講論使人知正學政尚清嚴凡
病民者無不革除時強藩侵占民田金堂極力申
許田歸于民強宗載志

李永年三元人萬歷間知鎮平縣秉正執法吏畏民
懷

張爾庚字斗麟直隸安平人天啓間知鎮平縣摘伏
發奸抑強扶弱陞知許州邑人建生祠祀之

鍾其碩字巖然陝西成縣人崇禎末知鎮平縣時流
寇猖獗其碩下車見城垣湫隘頽圯無以爲固乃
率民築營房于城上濬鑿隍塹復督鄉聚各置寨
堡巖爲守禦民賴以安邑有累歲逋賦悉爲申請
蠲免至闖逆大亂城陷被執罵賊而死

董日泰陝西人鎮平縣典史與知縣鍾其碩同壽况

李崇道遼東義州人順治六年山東按察使
修理縣治政平民悅

王繼祐陝西富平人順治十三年由舉人知鎮平縣
典利革弊刑清政簡

蕭國弼字君輔奉天廣寧人康熙十一年知鎮平縣
多惠政陞陳州知州臨行送者數十里相屬不絕
蒞陳猶捐俸修鎮學宮邑人益感

蘇刺除匪於趙興學宮邑人益加

委惠更割鼎嶽限高晉慈普地十里卽風不靡
繼因張宅孫帥奉天觀舉人舉鼎十一平塔與平起
典師萃襄師書典觀

王麟直火西富平人巡城七三爭山昔人較德平繼
替聖德命文平引針

宋張直火西富平人巡城七三爭山昔人較德平繼

李適之常山慈王孫中宗神龍初爲唐州刺史有清操蕭誠作清德頌以美之宋頤起守淮安慕適之風爲作清德堂以庇其頌焉

袁滋元和間爲唐州節度使先治華州以慈惠爲政民愛向之吳元濟反滋言蔡兵勁非朝夕計可下宜廣方畧離潰其心帝思以恩信傾賊乃授滋節度唐州

高霞寓憲宗元和間爲唐州節度使討王承宗有功

詔藏所獲鎧仗於神策庫以旌之

盧

祥武宗會昌中擢唐州刺史勸農力田興復陂

堰民歌曰盧邑侯來何暮疏我堰如召父

尚寬河南人嘉祐間知唐州唐素沃壤經五代亂

土曠民稀賦役不充議者欲廢爲邑尚寬曰土曠
可益墾闢民稀可益招徠何廢郡之有乃按視圖

記得召信臣陂渠故迹發卒疏復三陂一渠溉田

餘頃又教民自爲支渠數十轉相浸灌於是四

之民來者雲布尚寬復請以荒田計口授之及

興部使者交上其事仁宗嘉之下詔褒焉留于唐
凡五年民像以祠而王安石石菴軾作新田新渠詩
以美之

高 賦中山人知唐州繼趙 尚寬法募兩河流民計
口授以曠田又益興水利比去田增三萬餘頃戶
增二萬一千三百璽書褒慰諭宣布治狀以勸天
下民立祠祀之

范伯祿神宗元豐中知唐州課士勸農比於嚴師慈

母時與諸生講二程之學耻道王安石呂惠卿之
爲人

余 爽分寧人爲唐州判官博學多大畧以討叛蠻
功陞知沅州

劉 蒙神宗熙寧三年知湖陽縣剛正不阿志在愛
民適常平使者會諸縣令議徭役法蒙謂不便不
肯與議退而條上其害卽投劾去

光秋永公至正丁亥爲唐州同知政寬民和鳴琴而理
卷餘讀書秋香亭因扁其門曰吟燕之所去之日

民爲立碑以志不忘

明高

翼直隸通州人洪武十九年知唐縣時天下甫定諸事草創翼築城鑿池安輯民人教以孝悌力田之義科差必慎徵稅以時上下便之

楊

份山東臨淄人洪武二十九年知唐縣守法公政平訟息墾荒田勸耕稼汙萊皆爲平疇任事九年卒于官軍民爲之罷市

張

純治唐多善政嘗語唐父老曰濂洛書申韓法皆不足以治莫如善推其情而設身處之如蘇長

公之文以得情勝卽理縣譜也任三年民蒙其利
杜 芳山西翼城人宣德初知唐縣孳孳教民于善
察子弟有讀書者給以膏火城市鄉堡之民皆課
以生業有輕俠無賴者勅給牛種令其力農由是
感化時稱能吏

瑛山東恩縣人正統七年知唐縣剛決廉介聽
訟不株蔓不耽延不遣隸役勾攝徵收禁絕火耗
有循吏風

芳廣平人正統十一年由舉人知唐縣有清節

雲任時敏裘羸馬橐裝蕭條邑人立去思碑

魏 顯富平人成化二年知唐縣下車訪民間利弊

酌便宜施行爲政明察嚴毅吏不敢欺

孟 吉漢州人成化十二年由監生知唐縣有特

士民化之皆重廉耻盜賊屏跡

李 宏武邑人成化十六年由監生知唐縣潔已至

法門無私謁時學宮傾圮捐貲修舉

蘓仲相湘陰人成化二十三年由舉人知唐縣仁恕

愛民贖鍰榜之縣壁毫無染指征收稅糧嚴絕羨

餘公暇則集多士講制藝談性理相得甚歡時有
父母師長之稱

范 通絳州人宏治十三年由舉人知唐縣寬嚴
濟漢得爲政大體

巫 瑗江西豐城人宏治末由舉人知唐縣下車
讀律令興起學校使人知詩書安耕鑿邑民
向化

廣 曉歷城人正德元年知唐縣砥行甚峻執法
嚴廉右望風而避尤善鈞鉅摘伏時號神君

瓊廣東東莞人正德六年由舉人知唐縣時流
寇趙鏃於七年二月犯境攻圍二十八日瓊多方
守禦夜遣苗秀趙思敬等衝其壘斬賊首白大正
遂解陞本府通判仍知縣事

李鐸定州人正德十三年由鴻臚寺序班出知唐

縣百廢皆興吏畏民懷奏最第一祀名宦

李可久山西陽城人嘉靖間知唐縣均徭役築城垣

勸農講學陞河間府同知

孟成法湖廣蘄州人嘉靖末知唐縣濠念里甲彫瘵

節省有方科目寂寥提撕不倦擢御史里甲

萬曆中直隸魏縣人萬曆間知唐縣催科錢糧不事

嚴料而輸將恐後民有犯刑者從容導諭俟其改

滿後已終不苦以法時有龔黃再起之頌擢吏部

去板轅如市

黃 茂四川富順人萬曆中知唐縣創建預備倉積

穀救荒造敷文書院與諸生講經術表彰正學

修尊經閣四城門樓

王名登江南溧水人知唐縣以勸農課士爲務延師

漢昌書院集邑中俊秀請學課藝士多賴以
知唐縣廉隅自榜人
刑部貴州司主事

文清山西永寧人天啓間知唐縣廉隅自榜人
敢干以私時正貢外復加遼餉唐治多瘠土民
堪命文清手牘三請于臺使者累數萬言以禁
秦之咸寧唐民間之如失慈母走板當路疏止得
留咸寧人爭之至軼其車不得行復任後章程
定鳴琴而理案無留牘惟于二三孝秀程材講
而已後累官中丞

王澤潑彰德林縣人崇禎末爲唐教諭署縣事流寇
攻城澤潑督民守禦賊不能克攻圍益迫城中無
兵外援不至城陷賊執澤潑呵之跪澤潑曰吾嘗
先聖書受朝廷恩頭可斷膝不可屈嗥秦自戕之
罵賊怒三斷其屍

譚聖言撫州臨川人爲唐王簿崇禎末流寇薄城人
謂避之曰食朝廷祿而偷生非人也及城破爲賊
所執從容就歿

蘭廷龍陝西華州人爲唐典史李自成執之廷龍起

笑曰天下豈有從賊命官耶遂死之

朱廷位萊蕪人順治丙戌進士知唐縣蒞任三載
淡泊無營民安其業尋以艱去

吳璞字穀倉福建人順治壬辰進士知唐縣學問
淵洽士人皆師事之而才猷敏練訟息民安

田介湖廣京山人康熙三年由舉人知唐縣時邑
民多錢糧所累多逃竄者介察知有糧地荒有丁
無人者募新墾以抵荒糧編現戶以補逃丁民間
難派賠補之苦一時盡除任事三年凡城池公署

學校修理咸備尋以憂去邑紳士父老迎生主祀
于名宦祠

守禦

朝崔元珍後魏孝莊永安中守唐州時朱榮趨洛
遣其都督樊子鶴取唐州元珍與行臺鄴禪拒守
壽

秦 斬後周時守東荊州撫以仁惠蠻方悅服

秦道班湖陽人隋末爲湖陽戍主攻蠻城反爲蠻鄉
人馮道根年十六疋馬轉戰救之提雙劍左右奮

擊殺傷甚多道班獲免

唐楊士林淮安人起兵攻朱粲於顯州諸州皆應之粲大敗奔菊潭士林率漢東四部歸唐以爲顯州道行臺防禦

明魯 寧武畧將軍爲唐縣守禦右所千戶正德七年二月流賊趙鏖攻唐城寧與知縣陳頊守死賊去二十八日架雲梯而上城中人鼓譟下石却之負舟板爲穴道計寧以麻油灌薪葦火之賊不敵近越三日乃去

國朝邵邦寧文安人順治七年由武進士任唐縣守禦
所千總買民房爲公署保障修陴軍三民士均安
其業

泌陽縣官蹟

陳漢節 昱上黨屯留人建武時爲泌陽長政化仁愛境
內清淨有趙堅者殺人繫獄當死其父母詣昱自
言年七十餘惟有一子適新娶今繫獄死長無種
類涕泣哀求昱憐之令將妻入獄解械止宿遂妊
宥子荊州刺史爲表其事于朝

元程仲賢大德初爲泌陽縣尹修築馬仁陂堰民蒙其
利又葺新文廟民忘其勞

明胡 惠洪武中知泌陽縣時縣廢而復設民雜處兩

界中恃以逋賦惠撫字公平始皆歸化復爲辨疆
界俾其復業民遂安堵

徐讓洪武中知泌陽縣爲政廉平興建學校教民
開墾安輯流亾尋以憂去民贖賻之悉辭不受

劉尙清永樂中由舉人知泌陽縣縣久乏科目清攷
攷興學親爲講說政尙嚴明杜私謁革奸弊撫民
如子卒于官葬之城南耆老歲時相率致祭祀名

宦

樊芝會稽人嘉靖時由貢生知泌陽縣清淨無爲

政無不理祀名宦

曹思誠景州人萬歷時知泌陽縣化民以德不尚威嚴

周維翰山東人萬歷中知泌陽縣泌里三十有六每里十長環相催科歲費數千金里中蕩析徵糧差半維翰一切報罷設簿置櫃聽民陸續輸約日計暮會以防侵漁不事催科而前通告完嘗單車巡郊凡地荒不治者督令墾之泌邑爲裕確申舞孔道馬政繁劇里下更役最苦維翰調劑多方既不

病民又不病差蒞政三年教行民安會內召去百姓遮道不得行去後刻石以志德政

張爾見景州人天啟時由舉人知泌陽縣地多沙石不可耕平原半爲榛莽民間往往有地荒糧存不能支者萬歷中先增遼餉流亾載道爾見下車遍歷村落進父老子弟詳問利病剔蠹興利備查各鄉荒蕪或舊載課額而拋棄者或地可耕稼而未闢者共得三百餘頃捐俸買牛給民開墾由是民

衆漸復

李蕃長聞喜人崇貞初知泌陽縣時舞葉奸民相聚
爲亂泚山西北萃爲淵藪白晝殺人蕃長於各鎮
練鄉兵在城嚴操習擒巨魁劉保兒等斬之蕩其
狡窟環堵安然

姚昌祚臨晉人崇貞十三年知泌陽縣蒞政甫十月
流賊張獻忠陷城昌祚率家丁力斬數賊勢不能
支遂死之贈按察使僉事廕一子賜祭葬

王士昌雲南人崇貞十四年知泌陽縣流賊張獻忠
復陷城死之

焦天倫北直人泌陽縣主簿同時被執不屈罵賊而死家人皆死於難邑人立石志之

雷振先泌陽縣典史張獻忠復攻城振先率民兵拒戰死之

李本實永平人泌陽縣教諭崇貞十五年李自成陷城死之

國朝傅和羹山東壽光人順治二年知泌陽縣政尙寬厚士民戴之尋致仕歸

雷 璫四川井研人康熙十八年知泌陽縣有廉聲

桐柏縣宦蹟

漢法 雄宣帝時爲平氏長善政事好摘發奸伏盜賊
滅息吏民畏愛

明汪 雲休寧人成化十二年知桐柏縣時縣當初蔽
雲經營剗造撫綏多方惠政爲當世第一

李 聚正德時知桐柏縣七年四月率鄉兵敗賊趙
鑑於縣外生擒潘僧等八名旋解散

王建和貴池人知桐柏縣去二害三憂有功德地方遷

南刑部主事

任商扈巴縣人田進士知桐柏縣蒞政五年多惠政
朱 綸閩中人由舉人知桐柏縣蒞政六年有美績

國朝王煦文安人順治初由貢生知桐柏縣身歷草昧
安撫子遺邑民賴之陞知隴州未任卒於桐城
王鼎允淄川人順治八年由進士知桐柏縣蒞任二
年寬猛交濟與民休息至今民請祀之

鄧州

唐曰武德初爲鄧州刺史敗賊朱粲兵斬獲甚衆
君賓陳郟陽王伯山子貞觀初爲鄧州刺史州承

喪亂後百姓流亡君賓加意勞徠不期月皆還自

業明年四方霜潦獨君賓所治有年儲倉克羨蒲

虞二州民就食其境太宗下詔勞之曰去年關內

六州穀不登餓糧少令析民居逐食聞刺史與百

姓識朕此懷務相安養還有贏糧出布帛贈遺行

者此知水旱常數更相拯贍禮讓興行海內之人

皆爲兄弟變澆薄之風朕顧何憂是歲入爲太府

少卿

蘇兼謨文宗時爲鄧州刺史歲旱饑發粟賑濟民人
不流徙

蘇易簡字太簡梓州人淳化初以禮部侍郎出知鄧
州專以詩書飭吏事甚得人心

趙廷進澶州人淳化初知鄧州有美政飛蝗不入境

趙廷進

寇 李 李 李 下 却 人 至 道 初 以 叅 知 政 事 給 事 中

罷知鄧州所受俸祿惟務施予治郡一以寬慈待
民民甚德之既去爲之立祠

真宗景德初知鄧州有治狀詔褒獎之

陳堯咨字嘉謨閬中人真宗時舉進士第一以知鄧
州政最聞吏民懷之

劉筠字子儀大名人真宗時舉進士由右司諫知
制誥史館修撰出知鄧州筠性不苟合臨事明達
而治尙簡嚴凡三入禁林三典貢部以策論升降
天下士自筠始

謝絳字希深富陽人天聖中知鄧州距州百二十里有美陽堰引湍水溉公田水來遠而少利不及民濱堰築新土爲防俗謂之墩大小又十數歲數壞輒調民增築百姓苦之絳按召信臣六門堰故迹距城三里壅水注鉗盧陂溉田至三萬頃遂罷歲役民安其利後卒于官祀名臣子景溫亦知鄧州恪遵父政

蕭字之翰陽翟人仁宗時以右司諫出知鄧州

介吏民不敢欺甫善持論每言唐君臣

事推見當時治亂聽者曉然如目見之時人謂終日讀史不如一日聽孫論也所著有文集七卷唐史記七十五卷

張知白滄州人知鄧州會關右流備至境知白既廢倉廩又募民出粟以濟

范仲淹字希文蘇州人仁宗時以資政殿學士知鄧州孜孜民事政平訟理公餘營花園爲臺榭同樂於民進給事中徙荆南鄧人遷使者請留仲淹亦願留鄧許之尋徙杭州再遷戶部侍郎卒諡文正

百陽府志 卷之四
公子純粹後亦知鄧州民便其政

李 兌字子西臨穎人英宗時以龍圖閣直學士知鄧州爲政簡嚴老益精明有富人榜僕死繫頸投井中以縊爲解兌曰旣赴井又自縊有是理乎必吏受昧教之爾訊之果然後爲集賢院學士歷官工部尙書卒諡曰莊

王 琪字君玉華陽人起進士仁宗時以樞密直學士出知鄧州政尙簡靜民咸稱之其後以禮部侍

郎致仕

錢公輔武進人神宗初拜天章閣待制知鄧州多善政復知制誥入見上勞苦之使錄十義以進

呂 誨字獻可開封人惠公之孫仁宗時登進士英宗朝爲工部員外郎知蘄州神宗卽位召拜御史中丞王安石執政誨求去出知鄧州嘗言安石雖有時名然好執偏見輕信姦回喜人佞已聽其言則美施於用則踈置諸宰輔天下必受其禍且上新嗣位所與朝夕圖議者二三執政而已苟非其人將敗國事此乃腹心之疾救之惟恐不逮顧可

緩耶卒年五十八州人痛惜之祀名宦

李常字公擇建昌人擢進士哲宗時歷官龍圖閣

直學士徙兵部尙書辭不拜出知鄧州常與王安石
石善上疏極論新法言其傳會經義不異王莽猥
析同官片言以流毒天下安石密諭意常不爲止
又謂法無新陳便民者良論無彼已可久者確其
治鄧遇事卽決庭無留獄心乎愛民吏不忍欺卒
年六十四所著有文集奏議六十卷詩傳十卷元

祐會計錄三十卷

董敦逸字夢授永豐人元祐初知穰縣有惠政時方興水利提舉官調民鑿馬渡港云可溉田二百頃敦逸言于朝利不補害核實如敦逸言免役夫十六萬全舊田三千六百頃徙知戈陽尋拜監察御史糾彈無所避

韓維字持國真定人好古嗜學嘗以進士薦禮部時父億任執政維不就廷試後履膺薦辟歷官門下侍郎元祐初以大學士出知鄧州多惠政百姓愛之

劉 汲丹陵人知鄧州先是置京西轉運司于鄧以
汲添差副使建炎元年范致虛師至陝汲貽書勸
以一軍自蒲中越河陽焚金人積聚絕河橋一軍
自陝洛直抵鄭許與諸道衡敵必解散致虛以書
謝汲而行金人再犯京師諸道不知朝廷動息者
三月馮延緒傳詔撫諭謂車駕出郊定和議令諸
道罷兵汲謂副總管高公純曰詔書未可遽信公
純問故汲曰詔下已去年十二月鄧去京七百里
今始至州何也安有議和已三月而敵猶未退乎

此必金人脅朝廷以款勤王之罪爾可速進兵
純難之汲請自行公純不得已俱至南陽不進汲
獨馳數十騎赴都城二帝已北行汲尋代公純攝
帥事捐金帛饗士爲戰守計詔鄧州備巡幸汲廣
城池飭行闕所以待乘輿之具甚備就加直龍圖
閣知鄧州兼京西路安撫使金人復渡河謀知鄧
州爲行在所命其將銀朱急攻京西汲遣副總管
侯成林守南陽金人奄至殺成林汲集將吏謂曰
吾受國恩恨未得死所有能與吾俱死者乎皆泣

涕曰唯命及南陽陷命將戚鼎將兵三千逆戰又命斬儀與趙宗印分西南門倚之汲自以牙兵四百登陴望見宗印從間道遁卽自至鼎軍中麾其衆陣以待敵至皆死鬪敵却俄而儀敗金人攻之益急軍中請汲去不許敵大至遂死之贈大中大夫諡忠介

張叔夜字稽仲開封人靖康初以龍圖直學士知鄆州領南道都總管金兵至欽宗札入趣衛卽自將中軍于伯奮將前軍仲熊將後軍合三萬人翌日

道至尉氏與金游兵遇轉戰而前十一月晦至
御南薰門見之軍容甚整入對言賊方銳願如
唐明皇之避安祿山誓詣襄陽以圖幸雍帝領之
延康殿學士閏月帝登城叔夜陳兵玉津園鎧
甲光明拜舞城下進資政殿學士簽書樞密院後
車駕北狩叔夜從至白溝河不食而卒贈開府諡

日文忠

撫永平人明昌中以進士調鄧州錄事潤色律

令文字

元楊彥瑀至正間留守鄧州修堽堰以灌田全活飢民

王湛衆

永平人明昌中爲士馬提舉秩滿

吳得傑鄧州教授元道山嘗云學爲通儒德爲善人

明孔

顯靈壁人洪武三年以右衛鎮撫兼知鄧州時

糧兵餘民散無居守者二十餘年顯至詢其故址

掘地築城修舉廢墜收集散亡人多來歸內鄉盜

寇顯率所部兵盡殲之境內安堵祀名宦

蕭用傑江西龍泉人永樂初知鄧州恭慎愷悌任久

蕭用傑治下默黑龍楚等堰四境賴之

漢字宗漢平山人萊公之後永樂時知新野有
能聲宣德時陞知鄧州正直嚴明聽訟卽知誠僞
人不敢欺宿蠹盡革賦役均平又修塘堵等堰以
興水利暇則誦學訓勵諸生城中掘地嘗得一石
云若要鄧州治還須寇公至其政績果能繼萊公
云

楊 儀衛州人宣德時知鄧州學術正大以禮化民
有爭訟者必諄諄勸諭使相感悔不得已然後用
刑爲政一毫不苟立規設法悉追古之循吏

崔 福蘇州人景泰時知鄧州刊文公家禮等書分
發民間佩服

張 紳字伯翼黃縣人成化時由舉人知鄧州招集
流落戶口倍增鋤強扶弱吏畏民懷去後有德政

楊 煥會稽人宏治間由舉人任鄧州學正敦尚行
義軌範凜然且博學工古文詞歷官柳州府知府
嘗有崑山人宏治中由進士知鄧州重築外城十
五里七步又繼寇義增修州治葺學宮卓然循牧

于寬字克洪咸寧人正德五年由進士知鄧州
才介守一時稱最興學校修陂堰重築外城時流
賊猖獗寬日夜練兵撫民嚴爲守禦賊聞相戒不
敢入境民賴以安

張定字子靜代州人嘉靖時由舉人知鄧州修陂
堰建書院丈地均糧士民至今賴之歷陞貴州參
政

周大禮崑山人嘉靖時由進士爲刑部主事出爲鄧
州同知廉明剛直值駕幸承天當協濟新野大禮

處置得宜不畏強禦州縣一時皆蒙其庇終河南
叅政

萬宗義字克方進賢人嘉靖中由舉人除鄧州學正
甄陶士類誨人爲善視一切紛華勢利澹如也時
萬冢宰爲同宗每當道詢及輒稱他族以應士林
高之陞盧龍知縣

王道行字明甫陽曲人嘉靖時由進士知鄧州青年
蒞任練達有爲復陂堰修儒學設城障地方利弊

興除必力且虛心訪政有古循吏風歷官河南按

察使

張 僊浮梁人嘉靖時由進士知鄧州繕城池備倉
修公署置器用凡興利除害班班可攷且先時鄧
未有志書僊始創修之陞工部郎中卒祀名宦

潘庭楠高要人嘉靖末由經魁知鄧州通才達務誠
心爲民調停賦役歲省浮費銀三千六百兩議繕
外城開煤洞疏土山漑水皆阜民碩畫興學育才
纂修鄧志文章政事士民稱頌不衰

鄭舜臣字龍坡上虞人嘉靖末由進士任鄧州同知

入名宦

秦嘉楫上海人隆慶時以御史判鄧州清正嚴明先時田賦浩繁民不堪命嘉楫削去浮費差役奏議條鞭通行天下至今稱便

黃錫晉江人萬歷時由舉人知鄧州勵精勤政明決有爲丈地均糧遍歷經界宿弊一清改創學宮不辭勞瘁其實心實政父老猶有遐思云

井濟博文安人萬歷間由舉人知鄧州坦夷率直不事塗飾值歲大饑民間易子而食濟博加意賑哺

全活數萬人尤屢于蕩盜境內又安爲汝南首
首稱民爲建生祠

李作舟字伯佳合舟人萬歷中由進士知鄧州時鄧
俗刁敝作舟至官以教化爲首務禮賢育才獎善
懲惡聽訟諄諄以德諭不尙刑威俗翕然丕變省
里甲罷稅課修城池浚陂堰時值歲稔賑粟煮粥
全活甚衆以艱歸民扶老攜幼啼泣相送後追思
立祠祀焉仕至河南布政司叅議

趙沛岳陽人萬歷中由選貢知鄧州廉慎精敏興

除利弊不避勞怨勤宣德化修廢舉湮興社學復
義倉起漏澤圍補修郡乘有古循吏風入覲之日
士民攀臥百餘里爲生祠祀之陞鞏昌府同知

萬一本遼東鐵嶺衛人萬歷間由選貢任鄧州同知
性孤介操守嚴潔清理軍田催徵民糧俱纖塵不
染署裕州篆緩徵勸墾念衝驛差煩累民申請協
濟士民稱便兩地俱立石誌德

夏忠字子上蘄州人萬歷末由舉人知鄧州慈祥
敷練一意撫綏聽訟無留獄終日不獻朴一人七

年于鄧百廢具興修學宮葺公署建紫金堂立
課上增修春風閣爲吳峯以培文氣後果不乏
第陞郡丞去士民建祠肖像祀之

董應圭鄧縣人崇禎時由舉人知鄧州精勤練達養
士愛民實心實政六年癸酉入覲時流寇初潰河
自商洛山中直掠鄧境承平旣久百姓驚怖圭過
裕葉聞警申請免覲遄歸諭民登埤晝夜警備料
軍實備戰具首先勞苦立風雪中飲食俱廢踰月
成病力疾請代甲戌春卒于官士民哀之如父母

薛應齡福建人崇禎時由選貢任鄧州同知勤慎有
爲是時歲饑賦重知州孫澤盛嚴于催科民激爲
盜而刑殺愈刻土寇張三樂引流賊張獻忠潛
外城應齡與澤盛率丁壯出戰于紫金山後兵
澤盛死于陣應齡不去曰吾與城俱盡義不敢更
生賊爭刺之析骸而死踰月張獻忠陷內城應齡
澤盛妻子俱遇害事聞于朝贈奉直大夫鄧州知
州賜塋祭

李國璽徐州人崇禎十四年任鄧州吏目勤事愛民

才守兼優李自成攻鄧州國璽分仇西門竭方李
守與士民約曰官無崇卑忠愛則一若城存幸耳
不幸矢死靡他斷無從賊之理及城陷罵賊而死
自成執知州劉振世殺于鄆城

任從仕瀘州人崇禎時由選貢任鄧州同知流賊李
自成再陷鄧州時從仕署泌陽縣事知州劉振世
被執吏目李國璽死難鄧民乃迎從仕歸卽竭力
繕城未幾自成僞官至從仕奔鄖陽府遣海成領
鄉勇復鄧不克尋死于浙川縣因塋焉

國朝馬廸吉字聖修夏縣人順治二年由舉人知鄧州
時當李自成亂後百姓流亾城廬隳廢殆盡廸言
下車修城池衙署撫輯戶口百廢具舉流民望風
復業廸吉給散牛種使各耕稼教諸生收采遺書
從事誦讀冬十二月流賊劉二虎從襄陽渡江犯
鄧境殺掠西南鄙廸吉率殘黎登城守禦至次年
正月賊帥衆數萬攻城人心洶洶有議降者廸吉
怒曰死則死耳此城斷不可降乃鼓勵士民誓以
死守賊鑿地道七處廸吉悉計破之拒二十七日

城中食盡殺牛畜爲食撤屋爲薪人皆感奮無
志賊計窮宵遁以城守功陞治中

張光祚字雲仲歙縣人順治四年由進士知鄧州存
心寬厚敷政精勤事悉已裁不假胥吏徭役賦稅
犁然無弊三年民皆頌之陞禮部員外郎尋卒
人痛悼爲立永思碑

陳丹字自修山陽人鑲黃旗籍順治十年由舉人
知鄧州通材淵識臨民慈惠備兵儲糗民不擾而
事集去蠹役除窩訪息爭訟編戶口以功紀錄陞

廣西尋州府知府仕至湖廣按察使

守禦

元趙

祥平輿人有膂力善騎射金末倡義兵數千

帥聞元兵圍蔡急城中乏糧乃發平輿富室藏粟
率部曲負擔疾戰突圍上饋復退保平輿金亡下
宋宋帥欲坑之以江海言遣戍鄧州會元兵畧境
漢上乃開門納降特賜金符錦衣許出戰督軍入
守守民以功授鄧州長官

侯威材鄧州守禦所長官事實未詳

明黑 續洪武初以鎮撫兼知鄧州六年陞千戶復印

理軍務州治付有司顯復創設所治咸得其宜
賢歷城人洪武時調鄧州守禦所百戶子環宜
德間陞副千戶

原永樂時爲鄧州守禦所正千戶子新襲

李 鐸臨淮人爲鄧州守禦所百戶調赴榆林陣亡
贈副千戶子勇襲

胡崇華嘉靖時由武舉授鄧州守禦所正千戶時流
寇犯鄧與知州王道行協心城守城賴以全子世

卷之四
安襲

余承蔭崇禎時爲鄧州守禦所副千戶癸酉年流賊寇鄧承蔭率鄉勇與戰于湍河陣亡贈正千戶

李錫爲鄧州守禦所副千戶崇禎十年張獻忠陷城死之

朝張正坤順治三年爲鄧州守禦所副千戶尋改正千戶

李毓元順治十四年爲鄧州守禦所千總十六年裁守禦所歸併鄧州

新野縣宦蹟

漢魯

丕字叔陵扶風人建初時爲新野令視事期足

州課第一擢青州刺史

南

北朝尹懷慎天水人仕宋爲宣威將軍新野守有政聲

范 紹後魏時爲都水使者丁艱去職值義陽初啓

紹除郢州龍驤軍長史帶義陽郡守

王欣祖仕南齊爲義陽郡守時劇賊張郡主爲害殘

破州郡沈攸之連討不能擒豫章王嶷遣欣祖論

使降有降者欣祖厚爲禮即遣之干坐斬其首

與悉散諸郡獲安

劉思忌齊建武初爲新野守慷慨有大志切于濟世
愛民增築外城以堅保障時魏主引兵寇新野思
忌拒守魏遣人謂城中曰房伯玉已降汝何爲獨
取糜碎思忌對曰城中兵食猶多未暇從汝小意
語也後魏統軍李佐攻破之執思忌使降思忌
然曰我寧爲南鬼不爲北臣乃被殺祀名宦

獨孤信雲中人本名如願後從周太祖征伐以其
著遠邇改名信後魏建明中爲荊州都督帶

太守與浙陽郡守常孝寬情好歛密政術其人號爲連璧

唐李裕天寶中爲義陽郡太守上言所部遭損戶萬八百三戶請給兩月糧充種籽許之

元簡正理至元六年爲新野尹勸農力田愛民如子當時稱之

明陳恕臨川人洪武初知新野縣教民以孝弟忠信力田務本明賞罰息詞訟士民允懷祀名宦

金瑀江西人洪武時知新野縣蒞政公勤教民有

方去有甘棠之思祀名宦

康仲銘隴西人末樂時由舉人知新野縣在政勤廉
愛民卒於官

孫宗富休寧人宣德時由監生知新野縣秉性耿介
流事端謹

熊 宣麻城人景泰初知新野縣以廉勤稱

趙 澗懷柔人天順間由舉人知新野縣存心公
爲政勤慎修復陂隄至今人食其利陞荊州同知

祀名宦

薛 琦臨城人成化間知新野縣守身無玷處事
方以廉能稱

宋 琢新喻人宏治六年知新野縣學優才長修廢
舉墜于官道每五里設一小舖以防不虞道傍種
楊柳五萬餘株庇暑月行人可比甘棠陞知合州
祀名宦

楊 鉞正德時爲新野主簿時令缺鉞署縣事三月
百廢具修興學愛士革弊安民當多事之秋有應
變之才

杜 鸞長安人正德時為新野教諭持身廉潔師範
肅然講論考課無間寒暑一時士風丕變後登進
士祀名宦

江 東霸州人嘉靖二年由舉人知新野縣為政廉
而明寬而肅興學愛民邑內大治以憂去民為立
遺愛碑祀名宦

陳 欽蘄水人嘉靖時由舉人知新野縣省里甲贖
儲蓄民賴以濟陞南大理評事

世祿字汝延本姓賀任縣人嘉靖時由舉人知縣

野縣爲政廉平尤尚風化至鋤奸惡則不少貸吏
民畏而懷之陞判歸德府民爲立去思碑

萬民望黃岡人嘉靖間由舉人爲新野縣教諭事親
最孝訓士有方尋陞寧州牧刊有徂南錄祀名宦
歐世祿衡陽人嘉靖間由舉人知新野縣慈祥愷悌
以平易爲政約已愛民一介不苟尤雅意作人
知簡州祀名宦

吳承恩桐城人嘉靖間由貢生知新野縣明敏清廉
革奸吏禁游民築陂隄修學校士民戴之陞潞安

通判祀名宦

蒲大滉未明人隆慶五年新野教諭學有本源諳世務動止語默悉合矩度諸生有過輒引經傳委曲開諭皆心服去無爭者署篆內鄉桐柏清丈南陽南召地畝所至皆有聲聞知四川昭化縣知縣

傅來鵬字雲征邢臺人萬厯初由舉人知新野縣性敏才練視民如子下車卽單騎歷阡陌察民間利弊因而興學校崇節義均徭役省冗費理冤民弭盜賊興水利又出粟賑饑民賴全活者甚衆

江科給事中去之日民遮道攀留後立祠祀焉

鍾鳴治京山人萬厯間出舉人知新野縣在官五
與學勸農弭盜剔蠹均爲實政先是嘉靖間豪
欺隱致地畝虧于原額者四百餘頃賦稅累
納鳴治不避勞怨秉公清丈隱地盡出輿情
頌之尋擢御史有去思碑存縣治南

錢文薦慈谿人萬厯時出進士知新野縣以文名
麗囑集行世多善政擢工部主事

呂開科汾陽人崇禎間知新野縣時土寇張白

亂開科捕輯招撫一時羣寇少息

韓 醇四川人崇禎十二年知新野縣十四年

破城被執不屈遂遇害

江朝瀛歙縣人崇禎十一年任新野主簿十四年
逆破城罵賊而死

惠永禎朝邑人崇禎十二年任新野縣典史十四年
闖逆破城盡節而死

野縣平易近人甚得民心行取考刑部主事
野縣平易近人甚得民心行取考刑部主事

袁定遠字靜公秀水人康熙十七年南遊士知

縣夏旱步禱城北三十里之黃龍潭旋病

日一至是歲饑自貸晉買銀若干兩買楚糧

分給有鬻兒者既成券糧至焚券攜兒歸明年

請上得賑以故年雖饑民無流亾又賊僧某教

寺沙彌明日詣縣哭請捕盜心疑其詐鞠之暴

其情遂成獄咸服神明五年擢茶陵州知州

顏光是字北亭曲阜人復聖裔康熙二十五年

人任捐俸修櫺星門齋房暨議事臺白水書院

古蹟拔諸生能文者月再課之論文每至夜分
賚有差邑東多盜幾至猖獗是密擒渠魁數人
乙法黨遂平任五年行取考戶部主事

內鄉縣宦蹟

東漢劉陶字子奇桓帝時爲順陽長縣多奸猾陶之任
宣募吏民有氣力勇猛能以死移生者不拘亡命
姦賊於是剽輕劍客之徒過晏等十餘人皆來應
募陶貴其先過要以後效使各結所厚少年得數
百人皆嚴兵待命於是覆拔姦宄所發若神後以
病免吏民思而歌之曰悒然不樂思我劉君何時
復來安此下民頃之拜侍御史

晉張光字景武江夏鍾武人永興二年太宰以光

爲順陽守加陵江將軍帥步騎五千詣荊州討陳
敏又與江夏太守陶侃等共破錢端於長岐鎮南
大將軍荊州都督劉宏表其殊功詔爲荊州刺史
劉璠沛人宏子也懷帝時爲順陽內史江漢閒翕
然歸之山簡表璠得衆心恐百姓劫以爲主詔徵
璠爲越騎校尉父老莫不追思

薛珍永和中爲順陽守勇決敢爲郡內畏服秦王
苻堅別將寇順陽珍擊敗之

丁穆譙國人爲順陽守大元四年除武威將軍梁

州刺史受詔未發會符堅寇順陽穆戰敗被執至
長安稱疾不仕堅又傾國南寇穆與關中人士俱
義謀襲長安事泄遇害

傅宏之北陽泥陽人爲順陽太守義熙時爲建威將
軍趨武關會太尉劉裕滅後秦王姚泓後爲雍州
治中從事史夏王赫連勃勃兵大至戰敗被執不
屈而死

南朝張烈字徵之東武城人魏孝文太和時代王青石
爲順陽守南齊北平將軍崔慧景攻順陽烈固守

陽州志 卷之四
不下烈素愛民重士同爲效死後以母老歸養郡人慕之

五 或平昌人肅宗時爲臨淄令威下車時戶不虛
百爲政七月盡室而歸者千餘家重建廳事廨舍
李華爲之作記

六 雍方賢徽宗時知內鄉縣縣俗獷猾輕觸憲網獄罪
多死者或見鬼怪爲厲方賢以仁慈化民繫囚無
淹滯獄禁屢空邑以治安

七 元好問字裕之太原人至大間知內鄉縣勤撫流民

遷境寧謐尋以艱去吏民懷之後補南陽令善
並著

潘 達字仲達東郡人太德時知內鄉縣興建學宮

字羅峇失大歷元年監內鄉縣事明敏慈惠政平訟

理同內鄉知縣王失其名蠲俸修學宮置學田生徒

樂育邑自徙縣以來學校始備于此

王 斌字周臣嵩陽人大德時爲內鄉簿墾荒田三

百畝贍學宮

史惟一陝西洋縣人洪武初知內鄉縣時天下甫定

邑事廢墜者惟一多所修舉在官勤慎仁恕吏民
悅服

胡仲達四川營山人洪武時任內鄉縣丞守法盡職
恤衆興賢百姓德之爲之謠曰官之清民之福昌
其後崇其祿後卒于官吏民哀之如喪考妣祀名
宦

胡 恪高唐州人永樂初知內鄉縣律已守法民安
事集擢河南按察司僉事

鄧 恂字性善宿松人宣德初出舉人知內鄉縣山

險地僻賦役多不能辦恻示以誠信十償五六
署甚者罰贖以代其輸先知葉縣公勤廉恕民
之如父母焉

魏安太和人正統間知內鄉縣尙賢禮士敦信
民

鄭時字宗良舒城人天順初以監察御史知內鄉
縣勤于民事興行教化拓城郭開水利吏民懷之
擢延平知府

徐節字時中壽昌人成化時由進士知內鄉縣

官慈惠政尙寬平尋擢福建監察御史

沃 頴字文淵定海人成化時以監察御史知內
縣興利除弊禁奸祐良募民積穀十萬餘石備
民無饑餒擢荊州知府

袁 佐京山人宏治間知內鄉縣蒞政精明尤注意
學校政暇親爲諸生講說多所成就擢御史

白 琚宏治間任內鄉縣丞廉以守已仁以愛民去
後民懷思之祀名宦

楊邦禎咸寧人宏治間爲內鄉教諭規條嚴密不受

饋遺擢御史

張經字天叙瀋陽中衛人正德時由進士知內鄉縣政尙嚴明時流賊趙鐸掠河南經修城儲備嚴兵守禦寇不敢犯

胡裕武昌人嘉靖初知內鄉縣宅心仁恕蒞政寬平人不忍欺去之日吏民攀轅泣下

李銓綿州人嘉靖中由舉人知內鄉縣清慎精勤吏畏民懷于各里設桑園教民蚕績捐俸施藥病者多以全活祀名宦

恭 溟字雲岡耀州人隆慶時出舉人知內鄉縣政
崇簡易有古循良風以疾去士民爲之歌曰清白
之操循良之政惠我士民室家胥慶有去思碑

沈 榜字二山臨湘人萬歷時知內鄉縣丈田
浮糧而民不擾

尙從試字欽陽華陰人萬歷間授南召縣調知內
多善政修學宮時稱卓魯尋以憂去

張時俊字嗣窓沂水人萬歷間由進士知內鄉縣
傾仁孝推誠致愛士民咸宜擢工部都水司

李若訥臨邑人萬歷間以息縣知縣調知內鄉清勇
精明民愛而畏之遷歸德府同知歷官荆南道

王鼎彥字隨庵蒲圻人天啟時知內鄉縣出政嚴明
作養士子善於詩書法道勁爲人博雅高潔創造
丹江浮橋以便行者歷官榆林道僉事

陳嗣虞華陰人崇禎初知內鄉縣清貞孤介有撫字
之恩無追呼之擾

艾毓初字孩如米脂人崇禎間知內鄉縣時流寇橫
行毓初修築防禦日夜戒嚴者數載民得旦夕之

安遷襄陽府同知

江朝明字望之歙縣人崇禎中以新野主簿署內縣
縣愛民禮士敷政清平申請除荒徵熟去馬戶良
活民命邑民至今戴德

龔 新南昌人崇禎末知內鄉縣壬午流賊陷城
執至葉縣乘間自縊死

國朝胡養素直隸人順治三年由貢生知內鄉縣年
德劭逆賊李自成餘孽劉二虎破城死之

張鳳翼江夏人順治十八年知內鄉縣政務便民

于治事修學宮縣署城池復古兼隱亭民稱不擾
卒于官

李煜歸安人康熙十三年以衛輝府經歷署內鄉
縣下車問民間疾苦革弊興利時大兵南下由
西抵湖廣取道內鄉煜申請巡撫謂距商南五百
里山路險阻驛站久裁供應無出得允勒石遵守
一方承受其惠遷宜良知縣

高以永字子修嘉興人田癸丑進士知內鄉縣內地
多荒蕪以永下車廣招徠貸貧民牛種兼令樹桑

麻棗栗流民四集頻年開地四千餘頃時楊來嘉
亂甫定重兵在襄樵牧及于內之南鄙每以金錢
誘貧民爲僕逃則繫其家室以去以永蒞政三月
有二悍卒奪門稱將軍命縛人于市以永械聞撫
軍正其罪縣南安堵在事數年有慈祥愷悌之聲

陞安州知州

漢官職

漢平

當字子思扶風平陵人由孝廉爲順陽析邑令

哀帝時爲御史大夫拜丞相封侯

東漢杜喬字叔榮茂陵人建初時爲丹水令

原

宣字彥成汝南新陽人永壽中任丹水丞興水

利勸農桑建寧初吏民刻石紀功見藝文

晉郗

會魏太尉艾之孫也泰始七年遷丹水令

北朝

韋叔裕字孝寬後魏普泰中爲浙陽郡守政術脩

美

泉 企字思道上洛豐陽人祖丹水侯父爲伯企年十二詔依鄉人所請爲縣令百姓安之

薛 真汾陰人周孝閔賤祚進爵邵陽公轉驃騎大將軍開府儀同三司出爲浙州刺史卒于官吏民哀之

柳 旦河東解人隋初爲浙州刺史有能名大業初徵爲太常卿判黃門侍郎事

宋黃 肅仁宗時知浙川縣政尚寬簡勸民力穡比戶殷足境內大治

周 憲徽宗時知浙川縣前政有疑未決者憲至迎
刃而解片言折獄猾吏屏息後拜尚書卒楊龜山
誌其墓

明武 文字翰英井陘人成化七年知浙川縣時縣初
設且多盜文創邑之蹟禦盜之謀至今傳頌不衰
祀名宦又民有專祠

劉 繼藁城人成化間由進士知浙川縣剛毅明敏
振武修文歲值大稔繼區畫賑濟民賴存活者衆
樊 瑀文安人宏治初知浙川縣政平訟簡教厥以

古良吏自任創邑以來興利之多遺澤之廣未有及者

熊 价眉州人正德間知浙川縣宅心仁恕敷政
平因流寇掠境乃甃磚城起角樓率鄉勇拒戰浙
境獲安

趙廷璋四川人嘉靖初由監生知浙川縣修學築城
開渠堰集流民邑有樂利之休

劉敬宗錢塘人嘉靖時由舉人知浙川縣清操自守
興賢育才教樹畜導水利省里甲之費罷額外之

征士民呼爲清劉視名宦

謝 志捷爲人嘉靖中知浙川縣廉以持已嚴以馭
下歷任八年陞河間府同知

王宗堯聞喜人嘉靖中由舉人知浙川縣明敏果斷
豪強屏跡

陳 柏絳州人隆慶時由進士知浙川縣水藁自守
果斷有爲擢戶部主事

劉承範監利人萬 初由貢生知浙川縣丈地均種
開興化堰灌田數百頃陞普安知州

才國籍歸安人鹿門家子萬歷中以御史知浙川縣
政尚簡易以文章飭吏治焉

王麟趾字明野德平人萬歷間以御史知浙川縣
強護弱鼎新費戶陞戶部主事

張其維太原人萬歷間以經魁任浙川教諭學純器
重歷陞南京祭酒

楊夢錫字徵台五臺人萬歷末知浙川縣清正嚴明
四朝馮爾遲栢鄉人順治二年由貢生知浙川縣時方
初定流離未復爾遲撫育多惠三年民皆樂業

錢 經元城人。治五年由進士知浙川縣時驚

甫集力振凋瘵幾於化行俗美以內召去邑人追思之爲建生祠

于先登新城人康熙九年山舉人知浙川縣廉明仁恕政簡刑清邑人至今思之

郭 治東昌衛人康熙二十八年由進士知浙川政尙清嚴以講學課農爲先務釐奸剔弊旌淑別慝在事五年民安畫一行取

裕州宦蹟

明廖承先直隸定遠人洪武四年開徵辟承先以人
知裕州時天下初定凡賦役法令祀典署屬
程度多所裁定一州嘉頌焉

曹居敬山東人永樂三年由監生知裕州廉謹
不施鞭朴妻孥衣食粗糲安于儉約九載秩滿
民位送

宋盛蘇州人正統三年出舉人知裕州大修學宮
經誦成風士習聿新

曾 忠宛平人景泰五年由舉人知裕州治具學張
陞本府知府

徐 政直隸永平人成化十年由舉人知裕州恤民
課士歷官叅政

許 綸浙江錢塘人成化二十三年由進士知裕州
興賢育民陞員外郎

郁 案山陰人由進士授刑部主事正德五年同
裕州六年流寇趙鏗攻裕案誓以死守城陷
兵巷戰死之儀賓莊士備具棺斂之事聞

寺少卿廉其子本州前南監察御史任賢
於難勅建雙忠祠

郝世家三原人正德十年由進士知裕州省費解垣
興利除害視事期年政行民安見城卑池湮增築
垣陴甃以磚石完固壯麗爲豫省巨觀巡撫李達
修檄各屬視爲法見王鴻儒修城記

安如山無錫人嘉靖十年由進士知裕州善政多
均田之法尤爲首務見唐順之均田記

劉廷臣洪洞人嘉靖十八年由進士知裕州視事三

以賢能稱陞員外郎歷官兵部侍郎

遷正容山東寧陽人嘉靖二十一年由進士知裕州

屏斥桁楊專施惠政

遷紳武清人由進士為御史嘉靖三十二年出知

裕州興利除弊尋遷僉事

勸養正南鄭人隆慶三年由進士知裕州稱理陞奉

府同知

遷石府城人萬曆七年由進士知裕州愛民禮士

陞府同知

沈 在字中石上虞人萬歷時由進士知裕州

愛人招集流亡捐給牛種開荒地三千五百餘

歷官右都御史

沈應奎武進人萬歷末由舉人知裕州爲牒驅虎

異政陞員外郎

沈雲從桐鄉人天啓時由舉人知裕州愛民禮士

修學宮州人頌之曰始撫黔黎戶恤其瘼啓迪

士登之郁郁

國朝陸求可山陽人順治十三年由進士知裕州

起敝雖當凋瘵之後政務修舉

王廷棟三原人康熙元年知裕州裕承疇弊之後民
寡地荒廷棟撫字招徠始得生聚墾闢

忠貞遺蹟

朗棘陽人魏太尉艾之孫也武帝咸寧中樊震具申艾之忠因遷朗爲定陵令

矜貞元時爲舞陽縣簿當吳少誠反誓不從叛以縣來歸人多賴之

元朶兒別台字仲明監舞陽縣至正初饑邑民餓殍載道別台訴河南行省獲鈔五千錠以濟民賴全活隣邑盜誣舞民其縣監欲械去將寘以死別台躬爲訊詰囚卽自服片言間賴不蕩產者數家民有

僞券奪隣田者別台燭其奸以田歸王世稱其神
民鐫石記之

伯顏察爾字文卿至正間由中書從事監舞陽好士
愛民以禮義爲先時稅本色民苦輓輸酬楮布里
胥因緣爲奸察爾力行痛革且懇諸上官裁省浮
費民便安之隣邑獄訟久淹者悉徵理凡六十餘
事皆奏當秋滿邑人爲之立碑

明玉

格龍泉人洪武時知舞陽縣政尙平易綜理得
宜民賴以安

邊名洪武初爲舞陽王簿蒞政小心有賢能聲時
嘗兵燹之後公宇殘毀比學校壇壝諸建置悉出
其經營至今三百餘年雖更擴不一皆仍其舊規
盧廣壽州人永樂初知舞陽縣有能聲時邑人有
被盜掠無訴者廣踪跡捕獲置之法自後邑無警
盜以秩滿遷擢

主 騏固安人永樂中由生員任工部主事改知舞
陽縣下車時夏麥災秋禾無收騏請以布花代輸
公私兩便隣縣效之民饑發賑不待報賴以全活

課最給驛卽還俸時以爲榮宣德初卒於官民咸

悼慕

王亮字志明漢陽人正統間任舞陽主簿見學宮

頽圯慨然修葺之區畫規模視昔加廣而木石之

費不以煩民越七年落成又廟左有井水清而甘

名曰廉泉上覆以亭時稱爲功存先聖澤被後學

宋鑑陽城人成化時由進士知舞陽縣清勤苦節

教兼舉於縣治東創立書院擇諸生之尤者日

與講貫督課示以正學一時學者翕然知向擢監

察循吏

陳 碧清苑人宏治時由監生知舞陽縣心在民
官守謹廉時歲多豐稔教民禮讓邑中粟秀兩良
秩滿陞常州通判

周 達朝城人正德時由舉人知舞陽縣剛陽求
時值流寇殘酷之餘達多方綜理事集民安
城卑隘增以磚石高倍之三月而就尋改知新
民爲建祠勒碑

周 伊太原人正德間由監生知舞陽縣坦易慈

詳慎果決未幾調知宛平尋擢沂州知州

樊景麟新繁人嘉靖間由進士知舞陽縣慈愛清廉
始終一節百姓仰若父母擢南兵部主事後以公
事過舞陽百姓戴香而迎充滿道路無少長皆涕
泣歷官按察司副使

任 在東莞人嘉靖間由舉人知舞陽縣剖繁治劇
百度整飭募民積穀備荒後值歲饑賴全活者甚
衆毀淫祠建舞泉書院拔諸生英雋者延師啓迪
政暇躬爲講解擢池州同知邑士作甘棠遺愛

贈之

劉九容榆林人嘉靖間由進士知舞陽縣流官廉明
剖晰如流改祥符知縣未幾擢刑部主事

張 穎廣濟人嘉靖間知舞陽縣以經術飭吏治均
田糧修學校闢邪崇正改淫祠爲社館數載舞邑
大治

顧承芳臨淮人嘉靖間由進士知舞陽縣博雅嚴重
工于詩政暇與諸生講學多所發明改國子助教
士民贈以舞泉思政思教二卷

王近素崇陽人嘉靖間知舞陽縣舞地有馬村者
北舞渡之南涯地多瘠鹵每夏秋泛溢悉爲池
終年汪濊居民額苦近素創鑿九渠以濬之民
水患而收獲視他地更倍焉

崔南陽吳江人嘉靖時由舉人知舞陽縣民多瘠
南陽開誠布公設法補苴民不病而賦完監
之曰撫字心勞憂民貌瘦陞陳州知州

潘 整發源人隆慶時由舉人知舞陽縣

李 申改博望庫子每歲共省銀八百餘

夫縣民役繁者十之二三釐申請解銀抵役一時

勸賦稱慶

李源潔昌邑人萬歷元年由舉人知舞陽縣精明廉
謹凡邑有宜創宜修者咸經營如制

盧應麟河津人文清公後萬歷間由舉人知舞陽縣
練達政務本理學爲經濟擢衛輝府同知

張宗禮代州人萬歷間由進士知舞陽縣時值凶疫
崇禎多方救拯民無流亡逾年調知祥符尋擢

御史當代推爲鉅公

鄧敏新淦人萬厯間由舉人知舞陽縣愛民如子
疾奸如仇當歲稔後錢糧積逋敏極力請蠲不得
解印綬去

錢潮銅仁人初知浙川以善徵逋賦調知舞陽
下車卽詢民疾苦多方撫循巡阡陌勸民耕稼不
事追呼而輸將恐後流移盡復時鹽法弊壞
悉行又鎖徒請聚害民潮爲疏通官引鑛徒悉
禁農禁絕洞口民賴以安陞隴州知州邑人爲

荆壘蒙與周侯同祀

萬曆末由選貢知舞陽縣有異才
民如子清隱地徵通糧凡所規條皆詳審精密可
垂永久年餘以內艱去任民思之刊德政錄中

政畧諸書

萬年策字獻之雄溪人崇禎中由舉人爲本府同知
署舞陽縣時舞寇楊四煽禍一邑震驚策坐理若
無事密請勦撫未三日鎮兵四集一鼓而巨賊授
首以平寇功擢監紀道邑人爲之建祠立碑

宏山陽人崇禎末由貢生知舞陽縣值闖逆作

亂華衆死守城陷被執罵不絕口而死

國朝趙耀字邦彥阜平人順治二年由貢士知舞陽縣

時流氛未息西平渠魁劉洪起據舞東南裕州土

寇李好聚舞西南民不安堵耀下車申請招撫單

騎入李好聚說降之而洪起亦遂投戈革面舞境

漸寧乃招集流散使各復業戶口漸增正供以贖

一日吏進羨餘銀五錢怒曰吾勅汝不得加耗

舞陽縣志卷之四

五十四進士

縣值歲凶民饑盜起蓋區查賑濟捕緝有方民
流離而盜以息

守禦

明李萬慶安化人初爲流賊頭領受左良玉招撫爲贊
畫都司管副將事鎮守舞襄鄧郢等處駐北舞渡
辛巳冬十月李自成率賊衆由鄖城逼北舞萬慶
力戰不勝被圍樓上賊攻甚急萬慶顧左右曰賊
欲殺者我耳何諸人同死手提幼子擲樓下仰天
祝曰天若不絕萬慶此子無恙也遂挺身下樓賊

言陽曆志
卷之四
欲其降萬慶指自成罵曰吾受朝廷職肯復同爾
反乎吾死矣他日爾頭必懸通衢爲天下笑賊怒
射殺之詔贈榮祿大夫

葉縣宦蹟

周沈諸梁字子高楚人爲楚葉縣尹稱葉公孔子如蔡及葉公嘗問政後定白公亂楚國賴之在葉作陂池資灌溉遺蹟尚存

東漢王喬河東人顯宗時爲葉令有神術每朔望自縣詣朝帝怪其來數而不見車騎密令太史伺望之言其臨至輒有雙鳧從東南來于是候鳧至張羅獲之得雙鳧詔上方詠視乃四年中所賜尚書官屬履也後天降玉棺喬曰天帝獨召我耶乃沐浴

入寢不起蓋便立覆葬于城東土自成墳百姓爲立廟號葉君祠

荀 汪潁川人爲昆陽令父淑有八子並有德業時號八龍汪其第五子也

南北朝顏之善後周正中大夫之儀弟也爲葉令

末任 猶字公漸其先蜀人祖萬全王全彬平蜀隨孟

昶入朝因居汴桷舉進士愛葉風土求葬其先乃折資知葉縣葉經唐末五季之後田多汙萊桷招還流民闢田千餘頃增戶五千有奇考課爲東西

諸路之冠

黃庭堅字魯直洪州分寧人神宗時調葉尉居官有
守嘗作漫尉詩傳至都下王安石見之曰此非奔
走俗吏也荐充館職

劉從益字裕之渾源人太定初監察御史調葉令修
學勸俗有古良吏風葉自兵興戶減三之一田不
毛者萬七千畝有奇其歲入額糧七萬石如故從
益請于大司農得減一萬流亡歸者四千餘家未
幾被召百姓詣尚書省乞留不許入授翰林踰月

以疾卒葉人聞之爲罷酒樂設位而哭立石頌德
以致哀思

元郭巖至元初爲葉縣尹明敏有斷仁愛無私吏民
懷慕立去思碑

甲廉吉祥歙縣人洪武時由進士初知祁縣爲政樂易
秩滿考上第賜宴南宮改知葉縣葉當南北之衝
事最繁劇吉祥處之裕如未幾調南陽縣

陸濂餘姚人洪武時知葉縣爲政得體吏民不欺
秩滿歷陞陝西布政使

鄧 恂宿松人永樂初由監生知葉縣政尚寬平公廉勤敏逋稅久不完者設法徵之民不知擾而事集尙書許廓巡撫河南榜其政績以示闔屬尋卒於官民咸悲悼

虞 水餘姚人永樂間由進士爲監察御史謫葉縣教諭學問淵博立教有方士風丕振

秦 志臨汾人宏治間由舉人知葉縣有幹才爲政嚴肅重建廟學倉庫公署舖舍積粟十餘萬石脩荒其後遭歲歉賴以賑濟陞鳳翔府同知祀名宦

劉珂魚臺人宏治末由舉人知葉縣時民苦河役
珂爲申請得減邑人有以百金暮夜請託者珂怒
而麾之吏民悅服尋以疾去祀名宦

○晉天恩常熟人舉鄉貢知葉縣正德六年劇賊劉六
劉七擁衆壓境天恩奮戰生擒百餘人戮之旣而
援兵不至城陷被執不屈一門七人同時殉節詔
贈光祿寺少卿廕其一子

何仲山涪州人正德間由舉人授武安令改葉縣教
諭性剛介有志節流賊陷城被執逼使降不屈啗

以金仲山大罵賊義而釋之陞鎮遠教諭

石 鼎鳳翔人正德中由舉人知葉縣葉初土城卑
隘鼎始甃以磚民永賴之

李克濁永平衛人嘉靖初由進士知葉縣視民如子
居官如家雖值繁劇常有餘閒修復陂堰引昆水
溉田擢禮科歷官河南布政使

賈 樞南河人嘉靖間由進士知葉縣持守廉潔創
建問津書院歷官叅政

蕭 音隨州人嘉靖間由舉人知葉縣謹厚精詳歷

任六載終始如一陞濟南府通判

趙允升代州人隆慶二年由進士知葉縣清里甲開
陂渠新學宮積義倉凡事皆得大體秩滿擢監察
御史

黃嘉善卽墨人萬曆初由進士知葉縣精嚴敏達令
行禁止威稱神明陞蘓州府同知

陳縉餘姚人萬曆時由舉人知葉縣政清盜息四
境治安陞禹州知州有惠政碑

高文登嘉興人萬曆十五年由舉人知葉縣賑饑弭

盜劫置學田五百餘畝修復問津書院纂修縣志
繕治陂堰善政多端悉經濟實學陞膠州知州

馮日望慈谿人萬歷間由舉人知葉縣凡城市村鎮
各建社學設義倉暇卽課子弟學問考耕者勤惰
在任八年致政歸百姓攀轅臥轍三日始得出境
黃于郊長興人萬歷時由進士知葉縣刑清政簡號
曰神君陞工部主事

張懋忠杭州人崇禎初由舉人任葉縣教諭登甲戌
進士忠本名儒教人潛心理學著有四書說統易

經說統及醫統諸書

朱新運貴州人由選貢任葉縣教諭崇禎五年大水衝城城西瓦店營白石魯和尚等聚衆謀反攻城新運率鄉民堅守城賴以全賊平陞知本縣

張我翼陝西涇陽人崇禎十三年由舉人知葉縣與副將劉國能拒賊國能自刎賊營我翼督民堅守城破不屈而死

國朝許鴻翔榆林人順治十一年知葉縣時切河土寇作亂鴻翔練鄉兵躬擐甲胄力削平之四方安堵

張鵬翎唐山人順治十八年知葉縣任初剔除弊
大弊設立文會雅意作人

守禦

明劉國能陝西人受寧南侯左良玉招撫拜副將軍帥
師駐葉築南北土城爲守禦計崇禎十年闖賊李
自成攻葉七晝夜不下攻愈急國能度兵寡不支
卽城上望闕叩首以所拜副將軍劄付束於髮絕
城入賊壘曰督民死守者我也葉民無辜遂自刎
妻妾皆自縊子小蠻甫七歲罵賊而死賊義之城

破葉民得全葬土城西建祠墓左春秋祭享